

to nostro faciamus, affectum non agnoscat discipulorum ni-  
miam erga Magistrum *Cartesium* (cujus laudibus alioqui ni-  
hil derogatum volumus) dum ipsis dicitur

*Primus inaccessum qui per tot secula verum*

*Eruit è tetrìs longa caliginis umbris :*

dum *Philosophum* ipsum per eminentiam, uti Peripatetici  
suum Aristotelem, salutant: dum *excellentiorum Philosophum*  
*Solem nunquam illuxisse, &*, qui *Superiorem non habuerit, ne*  
*quidem parem agnoscere potuisse, scribunt*; dum omnes ejus con-  
clusiones æq; certò & infallibiliter, ac Euclidis elementa, de-  
monstratas clamitant: dum nonnulli pro ipsissima veritate  
obtrudunt, quæ ipsemet inter hypotheses tantùm, aliquan-  
do ex propria confessione fictitias, reponi voluit; aliqui et-  
iam receptas in Theologia formulas, magno Ecclesiæ scan-  
dalo, mutare, quàm duriores aliquam Magistri locutio-  
nem deserere malunt, &c. E quibus omnibus aliud nihil con-  
sequi potest, quàm, quod proh dolor! toto die consequi tri-  
stis experientia docet; ut, dum pars altera tantundem laudis  
ac meritorum Sectæ Capitiq; suo detractum putat, quantum  
alteri cum favoris excessu tribuitur, in Zelotypiam intem-  
pestivam, obtreccationes mutuas, rixas & altercationes,  
convitia deniq; & calumnias desinat omnis circa veritatem  
è profundo eruendam disputatio; maximo profectò scien-  
tiarum detrimento, temporisq; pessimè collocati jacturâ ir-  
reparabili. Et optandum quidem esset inter Philosophiæ  
pomœria coërcitam in propria saltem viscera sævire luem  
istam! Verùm ad altiora progressi ejusmodi, si Diis placet,  
Philosophi, eâdem, quam didicerunt hætenus & ex-  
ercuerunt probè, disputandi, hoc est altercandi; me-  
thodo non possunt non uti in Facultatibus, quas voca-  
mus, superioribus; inde, proh pudor! enascuntur no-  
bis in media quoque Christi ecclesia, ea non refrigerentis  
tantùm sed emortuæ prorsus Christianæ charitatis & exutæ  
omnis

omnis